



"Neki je čovjek bio u prostranoj bezvodnoj pustinji..."

Od Ebu Hurejre, radijallahu anhu, prenosi se da je Allahov Poslanik, sallallahu alejhi ve sellem, ispričao: „Neki je čovjek bio u prostranoj bezvodnoj pustinji, kada začu glas iz oblaka: 'Natopi bašču tog i tog!' Oblak je plovio nebom i izlio kišu na neplodni kamenjar. Usred kamenjara nalazio se jarak koji je primio svu vodu. Onaj čovjek je krenuo da vidi gdje će se voda zaustaviti i gle, tamo je video čovjeka koji stoji u svojoj bašči i navraća vodu. 'Allahov robe, kako se zoveš?', upita ga on. 'Tako i tako', odgovori mu. Njegovo ime odgovaralo je imenu koje je čuo iz oblaka. 'A zašto me pitaš za ime?', upita vlasnik bašče. Čovjek odgovori: 'Čuo sam glas iz oblaka iz kojeg je došla ova voda da kaže: 'Natopi bašču tog i tog', spominjući tvoje ime. Pa šta ti radiš s njome (baščom)?' 'Kad si to već spomenuo, onda da ti kažem. Ja čekam njezine plodove, pa jednu trećinu od toga podijelim kao sadaku, jednu trećinu ostavim za svoju porodicu, a jednu trećinu posijem.'"

[Vjerodostojan] [Hadis bilježi imam Muslim]

Neki je čovjek bio u prostranoj pustinji, pa je čuo glas iz oblaka koji kaže: "Natopi bašču tog i tog čovjeka!" Taj se oblak udaljio od prvobitnog smjera i iz njega je pala kiša na neplodni kamenjar, pa je jedan jarak upio svu tu vodu. Čovjek je pratnio trag vode i našao čovjeka kako stoji i navraća vodu sa jednog na drugo mjesto u svome vrtu. On ga je upitao: "Allahov robe, kako se zoveš?" Odgovorio je da se zove tako i tako, po imenu koji se čuo iz oblaka. Upitao ga je: "Zašto me pitaš kako se zovem?", a on mu odgovori: "Čuo sam glas iz oblaka iz kojeg je došla ova voda...", te ga je upitao zbog čega je zaslужio takvu počast. Ovaj mu je odgovorio da plodove podijeli na tri dijela, te jedan dio da kao sadaku, drugi ostavi sebi i svojoj porodici, a treći posije.

<https://sunnah.global/hadeeth/bs/show/5776>

